



**KOMMUNALBESTYRELSEMI
IMMIKKUT ITTUMIK ATAATSIMIINNISSAQ
MARLUNNGORNEQ ULLOQ 26. JANUAR 2020 NAL. 09.00**

Peqataasut: Palle Jerimiassen (S), borgmester
Sakio Fleischer (S), borgmesterip sinniisussaa siullem
Anthon Frederiksen (PN), borgmesterip sinniisussaata tullia
Jørgen Kristensen (S)
Jakob Petersen (S)
Thimothæus Petersen (S)
Ane Marie M. Andersen (S)
Ane Lone Bagger (S)
Jens Danielsen (S)
Jens Kristian Therkelsen (S)
Karl Markussen (A)
Aqqalu Jerimiassen (A)
Aqqaluk Heilmann (PN)
Ole Danielsen (PN)
Bendt B. Kristiansen (IA)
Regine N. Bidstrup (IA)
Lena Ravn Davidsen (D)

Pisortaaq: Nick Nielsen
Imaqarniliortoq: Pisortaaq
Immikkut peqataasut: Pisortaqatigiit
Nutserisut:
Ingerlannera: Telefonikkut

KOM	PINEQARTUT	BILAG
ORI	Ilisimatitsissutit	~
21-001	Piginnittuunermik periutsip toqqarnissaa	001
21-002	Thulefondip malittarisassaanik allanngineq	002
21-003	Oqaluuserisassatut siunnersuut	003

Aalajangiineq:

Oqaluuserisassat akuerineqarput.

Ilisimatitsissutit:**Siunnersuutip akineqarnera**

Kommunalbestyrelse-ip ataatsimiinnerani ilaasortat siunnersuutaat qaqqinneqarput uanilu siunnersuutit ilaat akineqarput.

#13 Edvard (Aqqaluk) Heilmann (PN)

Ilaasortap oqariartuutingaa siunnersuutini 62-it akineqarnikuunngittut, kisianni allattoqarfimmut 29. august 2018-imi ilaasortaq allappoq:

Haluu Nick...

Tassa malinnaaffigivakka nassiuttakkatit... allakkat 64-iugaluarpurput taakkunangga

Ataaseq tasiusami puttasussat pilersinneqalereersimasooq ilanngaatingigaanni 63-iussappurput....

Naatsorsuutigivara qanoq naleqartussaani ersarissippata qinikkat iliuuseqarumaarneri aaliagigassanurput,

Kiisalu ilai takuakka suliaq aallartinneqarsinnaasutut ittut soorlu saliinissanurput tungassuteqartut il.il.

Aqqaluk

Ilanngussami takuneqarsinnaavoq siunnersuutit tamarmik akineqarsimanerinit nalunaarusiaq.

Bilag ORI-01 Email-ikkut allaqatingiinneq

Bilag ORI-02 Siunnersuutit akineqarneri

#2 Sakio Fleischer (S)**A) Uummannami Upernavimmilu inissianik nappaanissamik kissaatip misissuiffigineqarnera**

Akissut

Massakorpiaq ingerlatsivik Uummannap Ineriartortinneqarnissaanurput pilersaarusiamik suliaqarpoq, uani sanaartornissamurput periarfissat piffinni nutaani illoqarfioreersumilu periarfissat nutaat toqqarneqassappurput.

Upernavimmurput pilersaarurput assingusooq Uummannami pilersaarurput malillugu suliarineqassaaq. Aqqusinernik sanaartorfigissaaneq aallartisareernikuuvoq, Upernaviup avannarpassittortaani aamma tassaassaaq siunissami sanaartorfissanurput isertarfissaq alliliinissamilu.

Tamakku saniatigut illutoqqat isalersut isaterneqarnissaat pilersaarusiorneqarnikuuvoq, pingaartumik

Upernavimmi Uummannamilu. Tamanna pissaaq, kommunu illunik tamakkuninnga isaternerisigut,

kommunimurput pilersaarummik unioqqutitsimmata. Tassunga aningaasartuutit sanaartorfigissaanermurput

ilanngunneqassappurput, nunaminertamik tamanik atorneqarsinnaasumik atuinissamurput kissaateqartunit

akilerneqartasallutik. Taama periuseqarneq kommunu aamma allani atugaaavoq, taamaalliluni

ingerlaarnissaq qulakkeerneqassaaq sanaartugassatigut missingersuusiortuaqqaarnikkurput peqarnissaq

pisariaqarani. Tamakku saniatigut pilersaaruteqartoqarpoq, ass. inuusuttunurput inissiat Uummannami,

atuinissamurput siunnersuut suliarineqarnikuuvoq, taakkununnga aningaasassat Namminersorlutik

Oqartussanurput qinnutigineqassappurput.

B) Uummannami sapummik/nunniugamik oqquiffissamik pilersitsinissaq pillugu periarfissaqarnerisooq misissuiffigineqarnissaanurput siunnersuut

Akissut

Uummannap avannaatungaani kimmurput oqquiffissamik sapummik isumassarsiaq pilersaarurput arlaleriaq qaqqinneqartaraluarpoq. Ilumoortumik piviusunngortinneqarsinnaavoq.

Uani pineqarami sanaartugassaaq angisooq, aallaqqaammurput aningaasaliiffigineqarsinnaanissaa

misissueqqaarnissamurput pilersaarusiortulugu suliarineqassalluni. Annertussusaa aallaavigalugu qanoq

akeqassanersooq aaliangerneqarsinnaavoq, kiisalu politikkikkurput aalingiiffigineqarluni suliaq

kissaatigineqarnerisooq ingerlateqqinneqarnissaa.

#6 Susanne K. Eliassen (S)**A) Innaarsunni multihusi erngup aqquataanut pingaarnermut attavilerneqarsinnaava?**

Akissut

Periarfissaqarpoq, multihusi erngup aqquataanut pingaarnermut attavilissallugu. Aamma taama pisariaqarpoq atuarfittaassaq nutaaq. Politikkikkut kissaatigineqarpat tassunga tunngatillugu, pilersaarusiorneqarsinnaavoq suliassartaa taavalu neqeroortoqartillugu tassunga. Suliap aallartinneqassappat soorunami pisariaqarpoq suliassap missingersuusiornissaa.

B) Innaarsunni sannaviup nutarterneqarnissaa pillugu siunnersuut

Akissut

Sanaartornermut immikkoortortaqarfiup Innaarsunni sannavik misissorsimavaa, nalilerneqarporlu, akilersinnaanerusoq nutaamik nappaalluni sannavittaarnissaq pisoqqap iluarsaanneraninngarniit. Tamanna patsiseqarpoq sannaviup pioreersup qanoq innera, kiisalu illup pilersinneqarnerani suliaanera. Politikkikkut aaliangiiffigisariaqarpoq suliassaq sanaartugassatut salliutinneqassanersoq.

C) Innaarsunni anartarfilerinermik ajornartorsiuteqarneq pillugu saaffiginnissut

Akissut

Aasap ingerlanerani Innaarsunni anartarfilerineq assut annertuumik ajornartorsiutaavoq. Tamanna patsiseqarpoq ilaatigut anartarfilerisumit kiisalu ATV-it ajoquteqarneri. Taamaattoq aasap naajartulernerani nunaqarfimmut ikiuisussat nassiuineqarput ajornartorsiummik ikiuisussat. Taamaattumik pisoq ullumikkut ajunnginneroqaaq, ukiup aallartinneraniit. Ilutigalugulu anartarfilerisoq namminersortoq nunaqarfimmi atorfinitsinneqarpoq.

D) Upernaviup aqqusernginik iluarsartuussinissamut siunnersuut

Akissut

Sanaartugassanut siunnersuummi aqqusinernut asfalterisuinissamut aningaasanik immikkoortitsisoqarnikuvoq naak taakku aningaasaliissutit sumi atorneqarnissaat/pinissaat aaliangerneqarsimannikkaluartoq. Upernavik ukiuni kingullerni aqqusernginik asfalterisuisoqarfiunngilaq, tassunga tunngatillugu salliutinneqarsimanatik. Ingerlatsiveqarfimmiit aamma siunnersuutigineqarpoq Upernavik salliutinneqassasoq.

#12 Aqqualu Jerimiassen (A)**A) Ilulissani sisoraatnik majuartaatitaarnissamut periarfissaqarnerisooq misissorneqarnissaanut siunnersuut**

Akissut

Ineriartortitsinissamut pilersaarummi periusissiami aggersumiippoq Ilulissat Avannaanut majuartaammut sisoraatinillu timersornermut nunaminertaq atugassaq inniminnerneqarnikuvoq. Nunaminertaq tamanna qanimut misissugassaavoq. Saniatigut aamma misissorneqassaaq majuartaatinut mikinerusunut illoqarfimmut qanittuani periarfissaqarnerisooq, assersuutigalugu Sisimiuni pigineqartup assinganik. Pissutsit tamakku ingerlatsiviup qanimut misissorniarpai najukkamilu annertunerusumik immersorneqarnissamik suliamut tunngasunik katerseqqaarumarluni, tamanna politikkikkut kissaatigineqassappat.

B) Aqquserngit aqqisa ativiinut pioreersunut naleqqussarneqarnissai periarfissaqarnersoq*Akissut*

Kommunip nammineq aaliangiussinnaavai atit- piffiillu aqqi, kiisalu naggataarutaasumik aaliangiinerit Teknikkeqarnermut Ataatsimiititaliamit atinik tamanut unammisitsinerni aaliangiuttarpai. Kisiannili aamma aqquserngit atiisa ativii malinneqassanersut politikikkut aaliangiunneqariataarsinnaasarput. Tamanna suliaasaq annertusinnaasarpoq, apeqqutaalluni aqquserngit aqqi qassit pineqarnersut. Atip allangorneqarnera aaliangiiffigeriarlugu saniatigut nunap assingi tamavimmik malinnaatinneqassapput. Kikkunnut attuumassutilinnut tamanut atip allannguutaa ilisimatitsissutigineqassaaq: Najugaqartunut, suliffeqarfuit il.li., Asiaq, Ingerlatsinermut immikkoortortaq, (aqqusinermut allagartassaaq ati nutaaq atorlugu sananeqassaaq), Sullissivik (inunnut allattorsimaffimmu allannguinissaaq), Politi, Upalungaarsimatitaaq, inunnik allattorsimaffik aqquserngup ilisarnaatissaanik (vejkode) nutaamik pissaaq. Tamakku saniatigut najugallit ilaasortaaffitik (abonnement) assigiinngitsut allangortissavaat. Tassani alloriarnermi siulleq tassaassaaq, atit sorliit allanngussanersut tamanut paasiuminartunngortissallugu.

C) Asfaltitoqqap qapiarlugu piarneqaqqaartarnissaanut pilersaarussiaq suliarineqarsinnaanerluni taamaliornikkut asfaltip issutsippallaannginnissaa pillugu*Akissut*

2020 -imiilli Ilulissani asfaltitoqqap asfaltip qalia qalliup piarlugu qapiarneqaqqaartarnera atugaavoq, nutaamik qallerneqannginnerani. 2020 -imi katillugu 90 tons asfalti Ilulissat aqqusernginit qapiarlugu peerneqarpoq, nutaamik asfaltimik qallerneqannginnerani. Qapiaat Ilulissani taamaallaat atorneqarnikuvoq, kisianni qapiaasarneq tamatigut ilaatinneqartariaqarpoq pilersaarutaasumik asfaltimik suliaqanermi, periarfissaatillugu. Ingerlatsivik taama ittumik pilersaarussiaamik suliaqassaaq. Taamaattoq ilisimatitsissutigineqassaaq aqquserngit ilaat ataasiakkaat qaleriiaarneqarsimasutut asfaltimik qalligaasut, saneraagut isigalugit. Tamanna patsiseqarpoq, aqquserngip saneraatigut asfalterneqarnikuummata. Taakkunani imaanngikkalarpoq asfaltimik issusuukullammik pilersorneqarsimagamik taamaattut, kisianni tassa qalligaapput aqqusinermut atortussamik asfaltimik akusamik allanngujuittuunissaa pillugu.

D) Nunap aqqinik pisoqqanik nalunaarsuisarnissamik siunnersuut*Akissut*

Taama suliaqarneq 2021-imi ingerlaavartussatut aallartinneqarsinnaavoq. Innuttaasut utoqqaat suleqatigalugit illoqarfimmi Ilulissani nalunaarsuineq taaguutittoqanik/atitoqqanik nalunaarsuineq aallartinneqareernikuvoq. Taama suliaqarneq illoqarfinni nunaqarfinnilu allani najugalinnik allanik peqateqarluni ingerlateqqinneqarsinnaavoq. Uaniiporli taama suliaqarneq piffissaaq ungasissoq eqqarsaatigalugu sivisuumik piffissamik tiguisumik nalunaarsuineq ingerlanneqartarmat. Atit nalunaarsorneqarneri, aqquserngit- piffiillu aqqi pinnagit, pisortatigoortumik atit/taaguuserneqartut taakkuusarput Kalaalit Nunaanni Nunat aqqinik aaliangiisartunit suliarineqaqqaartussat.

#16 Regine N. Bidstrup (IA)**A) Ukiuni kingullerni kommunip nunaqarfinni suliaralugit aallartissimasai sanaartukkat pillugit paasissutissinneqarnissamik kissaat****Akissut**

Avannaata Kommunua ukiuni ingerlasuni 2018-2020-imut sanaartukkat angisuut mikisullu 32-t nunaqarfinni aallartissimavai katillugit kr. 33.7 mio. missaanni nalillit. Sanaartugassat suliaasat piffissami tassa amerliartuaarusaartuarput:

- 2018-imi sanaartugassanut suliaasat aallartisarneqarsimapput Saqqami, Qeqertami, Kullorsuaq Tasiusamilu kr. 6.2 mio. missaanni nalillit
- 2019-imi sanaartugassanut suliaasat Ilimanaq, Saqqaq, Saattut, Ukkusissat, Qaarsut, Aappilattoq, Tasiusaq Upernavik Kujallermilu aallartisarneqarsimapput kr. 9.4 mio. missaanni nalillit
- 2020-imi sanaartugassanut suliaasat aallartisarneqarsimapput Ilimanaq, Qeqertaq, Ikerasak, Saattut, Ukkusissat, Aappilattoq, Kangersuatsiaq, Kullorsuaq, Innaarsuit, Nuussuaq, Tasiusaq Savissivimmilu kr. 22.9 mio. missaanni nalillit

Akit ukiuni tulliuuttuniipput missiliukkat taakkuuppullu annermik suliaasat sanaartugassat angisuut. Kommunip ingerlaavartumik sanaartugassat-/ingerlatsinerlut suliaasat nunaqarfinni aallartisartarpari, naak immaqa ukiuni tulliuuttuni misingersuusianiingikkaluartut.

B) Apeqqummi pineqarput Tasiusami illut isalersut aammalu taakkua isaterneqarnissaannut periarfissat**Akissut**

Missingersuutit pisariaqartitsineramik naammassiisut aamma piareerlugu ersarissarnerisigut suliaasaq naammassineqarsinnaavoq. Alloriarneq siulleq tassa suliaasap ersarissarnissaa illut isalersut taakku eqqarsaatigalugit, pigineqanngitsut. Tasiusami suliaasaq aammalumi nunaqarfinni illoqarfinnilu allani suliaasat aallartinneqarsinnaapput. Taava Isaterinissamut aningaasassat immikkoortinneqassapput. Kommunit allat iluseq taanna atornikuuaat, tassa kommunip isaterineq isumagissagaa taavalu aningaasartuutit tassunga tunngasut sanaartorfigissaanermut akiliutit qaavinut ilineqarlutik. Imaappoq, nunaminertamik nutaamik piginnilertussaq nunaminertamut tassunga nutaamik illumik nappaarusuttoq akiliutissaq taanna akilissavaa. Ingerlatsivik illutoqqanik isatigassanik sumiiffissiuineq/pilersaarusiorterlu suliaq aallartissavaa, isaterneqarnissamut piareersimasut. Suliaq Upernavimmi ingerlanneqalereerpoq aamma Tasiusami aallartippat.

C) Inoqarfiusuni periarfissalinni neqitersuisarfinnik pilersitsisoqarnissaanik siunnersuut**Akissut**

Neqitersuisarfinnik pilersitsisoqarnissaanik periarfissaqarpoq, missingersuutitigut aningaasaliiffigineqarpat. Kommuni tamakkerlugu suliap naammassineqarnissaanut siullermik piumasagaataassooq, pisariaqartitsinerup sumiinnera misissuiffigineqaaqqaassamat. Taakku saniatigut najukkami pissutsit takusarneqaaqqaassapput. Piffiit ilaanni neqitersuisarfeqarnissamut inissaqareerpoq, kisiannili nunaqarfiit ilaanni illut ilaat isaterneqaaqqaartariaqassaaq imaluunniit allatut suliniuteqaaqqaartariaqassaaq inissaqartinniarlugu. Paasissutissat katersorneqartut aallaavigissagaanni, taava nunaqarfiit sorliunersut salliutitassat toqqagaassapput tassanngaanniillu missingersuusiorluni.

Aalajangiineq:

Ilisimatitsissutit tusaatissatut tingunegarput.

Suliaq nr.	Pineqartog	Ilanng. nr.	001
KOM 21-001	Piginnittuunermik periutsip toqqarnissaa	Journal nr.	

Uteqqiineq:

Pisortat illuutigisaat tamaasa kommuninut tunniunnissaat Namminersorlutik Oqartussat kissaatigaat. Tamanna ilaatigut aserfallatsaaliugassanik amigaataasut tapertaavigisinnaaniarlugit, aammalu attartortunut maannakkut atugarisat pitsanngorsaaviginiarlugit kissaatigineqarpoq. Taamaattumik inissianik siunissami ingerlaqatarnissamut tunngaviusinnaasunik periutsinik pingasunik kommune-it ataatsimoorlutik ilusiliisimapput.

Suliamik saqqummiussinermi matumani inissiat tunniunneqassappata ilusermik sorlermik kommunip suliamik ingerlataqarnissaanik kommunalbestyrelse isummissaaq.

Suliaq saqqummiunnera:

Nunatsinni inissiat amerlanerpaat pisortanit pigineqarput, tassalu Namminersorlutik Oqartussanit 58 %-it kommuninit 42 %-it pigineqarlutik. Inissiat amerlanerpaat pisoqaallutillu nungullarsimapput, inissiallu 11.500-t tungaannut amerlassuseqarput, massakkumuungallartoq missingiut nalorninartumik toqqammaveqartoq kr. 2.6 mia. missaannik iluarsaattarialittut pisariaqartitsinermi naleqartutut taaneqarpoq. Inissiat taakku ullumikkut kommunini ingerlatseqatigiiffinit imaluunniit inissianik ingerlatseqatigiiffimmit INI A/S-imit aqunneqarput. Inissiat attartorneqarsinnaasut 12 % missaat Avannaata Kommunia-niipput. Inissianik piginnittuunerit ingerlatsinerillu inissianik piujuartitsinerusumik ingerlatsinermik qularnaarluni allangortinneqassasut Namminersorlutik Oqartussat isumaqarput. Assersuutigalugu iluarsaassinermit aningaasaliissutit amerlanerujussuit immikkoortinneqarnissaanik tamanna nassataqassaaq, taamaalilluni tamatumunnga pisariaqartitaqarneq matussuserneqarsinnaassammat.

Inissiat naleqassusaasa nalunaarsornerinik kommuninik suleqateqarlutik Namminersorlutik Oqartussat ingerlataqarput paasissutissiinerillu ataavartumi kommunalbestyrelse-imut ingerlanneqartassapput. Taamaaliortoqarpoq tunniussaqaarnerup paasissutissiiffingilluarneqartumik tunngaveqarluni pisinnaanissaa qularnaarniarlugu, aammalu tigusinikkut aningaasaqarnermi kinguleruttut sorlermik malitseqarneri erseqqissaaviginiarlugit. Piginnittuunissamut aqutsinissamullu periutsinik pingasunik, *ataasiakkaanut, nammataqatigiinnertut* aammalu *isumalluutinik tunngavilittut periutsinik* taaneqartunik kommune-it ataatsimoorlutik suliaqarsimapput toqqarneqarsinnaasunik. Periutsit taakku tamarmik ilanngussamik immikkuualuttortalersukkatut nassuiarneqarput.

Iluarsinissamut siunnersuut – sammisanut tunngatillugu nalilersuineq

Attartortunut kommunimullu piginnittuunermut iluserisap iluaqutaanissaa pingaartuuvoq. Maannakkut iluserisap attassisinnaangilaq, inissiat naammaginarumik iluserisassamik attassinissaannut iluarsaassinissamut aningaasaliissutit immikkoortitat naammangimmata.

Maannakkut inissianik pisariaqartitsinermit ilisimasaqarneq paasisimasaqarnerlu qaninnerusumiimmat kommunip aserfallatsaaliuinnissamut aningaasaliissutinik atugaqarluarnerusinnaanera Avannaata Kommuniata nalilersuutigaa. Tamatuma saniatigut iluaqutaasussani ilaavoq ineriartortitsinissamut ingerlatseqatigiiffik, Avanna Development aqutitigalugu kommune inissianik imatut nalingisaanik inissiissammat taarsigassarsiaasinnaasut, assersuutigalugu inissianik nutaanik sanaartuinnermut, aningaasaliinnermut atugarineqarsinnaalissallutik. Taamaaliornermigut kommunip siunissami inissianik amigaateqarnissaa ajornannginnerusumik pinaveersaartissinnaavaa.

Aqutsinerup ingerlatarinerinut kommunip kisimiilluni aningaasartuutit tamaasa akilissappagit assut aningaasartuuteqarfiussaaq. Naatorsuutingineqassooq sulisut 30-it missaat kommune-mut Avannaani inissiaatileqatingiiffimmi sulisut nuutinneqarnissaat, qanoq allaffissornerup naleqarnissaa massakkumut oqaatingiuminaappoq, kisianni nalornissutingineqassanngilaq kommune karsianut aningaasartuurtaassanngimmat. Taamaattumik ingerlatsinermit aningaasartuutip ilaa taanna ataatsimoorunneqartumik pisinnaassappat iluaqutaassaaq, soorlu kommuninit. Iluseq taanna *isumalluutinik tunngaveqartut* iluarsiiissutitut taanguteqarpoq. Inissianik attartortunut kommunimullu pitsaanerpaamik

iluqautaassammat iluarsisut taannarpiaq Aqutsisut allattoqarfiata inassutigaa.

Ingerlariaqqinnissaq

Piginnittuernermit ilusissamut kommunit kissaatigisaat pillugu Namminersorlutik Oqartussat nalunaarummik pissarsiniarput, taamaattumillu pineqartup isummerfiginissaa pillugu kommune kimigiiserfigineqarpoq. Inissianik tigusinissamut tunngatillugu ingerlataqarnissaq nangissaaq, tassanilu aningaasaqarnermut ataatsimiititaliaq aamma kommunalbestyrelse ilisimatinneqartuassapput.

Borgmester-it isumaqatingiipput 15. februar naapinniarlutik kommune-ni kommunalbestyrelse aaliangersimameri eqqartorlungit, tamatuma kingorna ataatsimoortumik kommune Naalackersuisunut suliaq pillungu oqariartornissaat naattorsuutingineqassooq.

Kommunalbestyrelse piginnittuunissamut apeqqut isummerfingivaa paasissutissat toqqammaviusut naapertorlungit, paasissutissat nutaat Selvstyre-imiit saqqummiunneqarsimattillungit kommunalbestyrelse-imut ingerlatinneqartassapput.

Naalackersuisup allangaani qulequttat pingasut sinneri, allaffissornermi PPV-mullu najoqqutassat, aserfallatsaaliuineri kinguaattoorutit isumangineqarnissaannut pilersaarut, qanitamiittumik tunngaveqarnissap qulakkeerneqarnissaannut pilersaarut borgmesterit ataatsimiinnermini eqqartussavaat Naalackersuisunullu ataatsimoortumik akissuteqarnermi qulequttat allaaserineqassallutik.

Kommunalbestyrelse akissutaasut pillungit ilisimatinneqarumaarpoq.

Inatsisitigut tunngavigisat allagaatillu toqqammavissisut:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq

Aningaasaqarnermi kingunerisinnaasat:

Siuliani nassuiarneqartut inissiat kommunip pigisaatut ingerlatseqatigiiffimmut, aningaasatigut pissutsinik aqutsisuusumut tunniunneqarumaarput. *Isumalluutinik tunngaveqartumik* iluarsisut toqqarneqassappat kommunip inissiaataasa aserfallatsaaliornissaannut maannakkut aningaasaliissutaasoq siunissami aaqqiissummut naleqqiullugu allaaneruallaassannginnersoq aqutsisut allattoqarfiata nalilissavaa. Toqqaannartumik kommune karsianut una suliaq aningaasatingut kinguneqassanngilaq, ataavartumik Selvstyre-imiit paasissutissat tunniussuuneqartillungit kommunalbestyrelse-imut ingerlatinneqartassapput. Alloriarnerit sulluunniit kommunalbestyrelse-imit ingerlanneqartassapput aalianginnginnermilu paasissutissat sukumiisut saqqummiunneqartassapput.

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermi Ataatsimiititaliami aaliangerneq:

Allattoqarfiup Aningaasaqarnermut Ataatsimiititaliamut inassutigaa

Inissiat tunniunneqassappata kommunip inissiaataanik ingerlatsinissamut isumalluutinik tunngaveqartumik iluserisaq tunngaviussasoq.

Aaliangerneq

Kisitsisit eqqortut ineqarnermut sukumiisumik kommunalbestyrelse saqqummiunneqarnissaat ataatsimiititaliamit saqqummiunneqarput. Allaffissornermi aaqqiussinerit sulisunut inissaqartitsinerit aamma sukumiisumik saqqummiunneqassapput.

Toqqarneqarpoq kommune nammineerluni ingerlatsineq toqqammavingissangaa.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalernerqassasoq

Ilanngussat:

Bilag 001-01: Ineqarnermut Attaveqarnermullu Naalakkersuisoqarfimmit allakkat
Bilag 001-02: Pinginnittuunermut ilusit assingiinnngittut
Bilag 001-03: Naalakkersuinikkut Ataqatingiissaarisooqatigiit ataatsimiinnerani paasissutissat saqqummiunneqartut

Aalajangiineq:

Inassuteqaat akuerineqarpoq.

Sag nr.	Sammisag	Bilag nr.	002
KOM 21-002	Thulefondip malittarisassaanik allannguineq	Journal nr.	

Uteqqiineq:

Thulefondi malittarisassaqarpoq, taakkualu 2003-mi akuerineqarsimapput. Ukiut 18-it ingerlapput, Qaanaap Kommunia atorunnaarpoq malittarisassallu tulluussartariaqalerput. Allattoqarfik Thulefondip malittarisassaanik aaliangersakkat ataasiakkaat ullumikkumut tulluussarneqarnissaannik siunnersuuteqarpoq. Uani suliami kommunalbestyrelse aaliangiiffigissuaa allannguutissatut siunnersuutit akueriniarnerlungit.

Suliap saqqummiunnera:

Thulefondi aningaasaateqarfiit allat assingalugit malittarisassaqarpoq. Ullumikkut Thulefondip malittarisassai 2003-mi suliarineqarsimasut pisortatingoortumik atuupput, taakkualu civilstyrelsen-imi nalunaarsorneqarsimallutik.

Aningaasaateqarfiup siunertaa

Thulefondip siunertaraa Pituffimmi eqqaaviup US Airforcep atorsimasaa pillugu avatagiisit eqqarsaatingalugit suliniuteqarnernut aningaasaleeqataanissaq. Aningaasaliissutit tunniunneqartassapput ineriartornermut, aallarnisaanermut ingerlatanilu Qaanaap Kommuniiani suliniuteqarnernut pitsaasumik siumullu isigisumik ineriartortitseqataasinnaasunut. Aningaasaatilli Qaanaap Kommuniata ingerlanneqarneranut nalinginnaasumik aningaasalersuinermut atorneqarsinnaangillat. Aningaasaateqarfillu Kalaallit Nunaanni Nuummi najugaqarfeqarpoq.

Siulersuisoqarneq

Aningaasaateqarfik siulersuisuni ilaasortanik sisamaasunik siulersorneqarpoq, ilaasortat marluk Namminersornerullutik Oqartussanit toqqarneqartarput, aappaalu siulittaasuussalluni. Ilaasortat marluk Qaanaap Kommuniiani toqqarneqassapput, ilaasortallu aappaa siulersuisuni siulittaasup tulluussalluni. Sinniisussallu toqqarneqassallutik. Kommunaldirektøri taaseqataasinnaatitaanani ataatsimeeqataasassaaq.

Malittarisassami aaqqissuussaaneq

Aningaasaateqarfik peqatigiiffittulli imminut pigisuuvoq nammineq ingerlalluni. Malittarisassallu allanngortinneqarsinnaallutik siulersuisuni ilaasortat ikinnerpaamik pingasut akuersillutik taaseqataanerisigut Naalakkersuisullu akuerseqataanerisigut. Thulefondimi malittarisassat 2003-mi aaliangersarneqarsimasut qulaani taakkartorneqartutuut suli maannamut allanngortinneqarsimangillat. Ukiut 18 ingerlareerput pissutsillu allanngorsimapput, soorlu Qaanaap Kommunia atorunnaarnikuuvoq, taamaammal malittarisassami aaliangersakkat ullumikkumut tulluussartariaqalersimapput.

Iluarsiinissamut siunnersuut – sammisanut tunngatillugu nalilersuineq

Qulequttami uani ersersinneqassapput malittarisassat sorliit tulluussarneqarniarnersut. Allannguutissat arlaqarput uanilu pingaarnertut allannguutaasussat ersarissarneqarput.

- A) Avannaata Kommunia atuutilernikummat Thulefondip najugaqarfia Nuummiit Avannaata Kommuniannut nuunneqarpoq
- B) Aningaasaateqarfiup siunertaa naapertorlungu Qaanaami avanersuarmilu nunaqarfinni aningaasaliisarnissaq
- C) Aningaasaliinerit innunut ataasiakkaanut eqimattanulluunniit soorlu peqatigiiffinnut tunniunneqarsinnaassapput
- D) Siulersuisut kommunalbestyrelse-ip qiningaaffianni atuuttassapput

- E) Siulersuisut arfineq marluupput ukuullutillu, borgmester, kommunaldirektør, Qaanaami avanersuullu nunaqarfiini kommunalbestyrelse-imi ilaasortat. Inunnguuseralungu ilaasortat sumiiffinni taakkartorneqartuni aallartitaasussanik inassuteqassapput, taakkualu kommunalbestyrelse-imit akuerineqassapput. Aallartitaasoq tassani nunaqarfimmeeqqissaartariaqanngilaq, kisianni sumiiffiup soqutingisaanut suliniuteqarluni ingerlatsinissaa qulakkeerneqassooq.
Siulittaasoq siulersuisunit toqqarneqartassooq
- F) Nalinginnaasumik Qaanaami allaffimmi pisortaq Thulefondimut allattaassooq
- G) Naattorsuutit akisussaaffiup iluani suleriutsit naapertorlungit ingerlanneqassapput kommune-llu kukkunersuisui sulinermi atorneqassapput
- H) Namminersorlutik Oqartussat aningaasaateqarfimmut nakkutilliisuupput

Ingerlariaqqinnissaq

Malittarisassat allannguutissatut siunnersuutingineqartut bilag-itut ilanngunneqarput. Allannguutissatut siunnersuutit akuerineqarpata Namminersorlutik Oqartussat ilisimatinneqassapput, erseqqisaatingerusupparput december-imi Namminersorlutik Oqartussat allannguutissat pillungit ataatsimeeqatingineqarsimmata, ataatsimiinnermilu allannguutissanut oqaaseqartoqanngilaq. Malittarisassat akuerineqarpata Danmark-imi Civilstyrelse-mut nalunaarutingineqassapput aattaallu uani pisortatingoortumik atuutilissapput.

Aningaasaqarnermi kingunerisinnaasat:

Suliaq aningaasatingut kinguneqassanngilaq missingersuutit naapertorlungit ingerlanneqarmat.

Inatsisitingut sinaakkutatingullu toqqammaviit

- Aningaasaateqarfiit peqatigiiffiillu ilaat aalajagersimasut pillungit inatsissip Kalaallit Nunaanni atortuulersinneqarnissaanik Peqqussut nr. 917 af 15. december

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutingaa
Malittarisassami aaliangersakkat taakkartorneqartut allanngortinneqarnissaanut siunnersuut
akuerineqassasoq*

Aaliangerneq
Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilangussat:

- Bilag 002-01: Malittarisassatut siunnersuutit
Bilag 002-02: Malittarisassat 2003-meersut
Bilag 002-03: Inatsisilerituup misissuinerani paasissutissat

Aalajangiineq:**Inassuteqaat akuerineqarpoq.**

Suliaq nr.	Pineqartog	Ilanng. nr.	003
KOM 21-003	Oqaluuserisassatut siunnersuut	Journal nr.	

Uteqqiineq:

Kommunalbestyrelse-imi ilaasortat siunnersuutitik allaffimmut ingerlatittarpaat, suliallu qanoq ingerlanissaannik allattoqarfik nassuiaasarpog.
Uani suliami kommunalbestyrelse ilisimatinnegarpog siunnersuutit qanoq allaffissornermi ingerlaqqissasut.

Suliap saqqummiunnera:

Kommunalbestyrelse ilaasortat siunnersuutaat suliarineqartussat ataatsimiititaliamut ersarissarneqarput.

#1 Palle Jerimiassen (S)

Kræftimik eqqungaasimasunut suleriesissamik suliaqartoqarnissaanik siunnersuut.
Borgmesteritut issianninni arlaleriarlunga saaffiginnissutinik pisarnikuuvunga ilaqutariit akornanni kræftimik eqqungaasoqarsimatillugu ikiorserneqarniarnermikkut ilungersuuteqartunik. Ilaatigut sulii kommunimiit suliaq naammassineqanngitsoq kræfterluni nappaateqartoq ajoraluartumik toqukkut qimaguttarpoq tamannalu ilaqutaasunut assut misingissutitsikkut annernartarpoq akueriuminaallunilu.
Nappaateqartup nappaateqarnerminik nalunaarfigineqarneraniit sullissineq pitsaasumik nalorninartoqanngitsumillu kommunimiit ingerlanneqartarnissaa pisariaqarluinnarpoq, taamaatsumik siunnersuutigaara Avannaata kommuniani suleriesissamik suliaqartariaqartugut.
Suleriesissaq aallartittassaaq sullinneqartussaq siullermeerluni saaffiginninneraniit, tassanilu suleriesisimi ersarissumik allaqqassaaq suut suleriesit atorlugit sullinneqartussaq ikiorneqassanersoq aamma iliuusissamik periarfissanillu ersarissunik nassuiaatinik suleriesissaq imaqqassaaq. Sullinneqartussaq qitiutillugu sulineq ingerlanneqassaaq aamma aporfilersuutaasinnaasut piarneqassapput taamaasilluni sullinneqartussaq kommunitta iluani sumiluunniit najungaqaralaruni assingimmik sullinneqarnissaa qulakkeerneqassamat. Ilaqutariit nappaassuarmik eqqorneqarsimasut aamma nappaateqartup piartornerani ikiorneqarnissaannut ersarissumik suleriesissamik aamma peqalernissarput uani siunnersuut tunngavigalugu suliaqartoqassooq, tassani pingaartillugu ilaqutaasut kommunitinnut saaffiginnikkunik ingerlaannaq ikiorserneqarnissaat qulakkeerusullugu. Ilaqutaasut tassunga killittoqartillugu nukissaqanngillat systemimut sorsunnissaminnut taamaatsumik suleriesit aamma uani ersarissut pisariaqarput assingiitsuunissaat qulakkeerneqassasoq. Kommunimi sulisugut imaluunniit taakkua ilaqutaannit kræftimik eqqungaasoqartillugu paasinikuuara kommunimi immikkoortotaqarfiit assingiingitsunik sulerieseqartut apequtaalluinnartarluni immikkoortotaqarfimmi pisortaasoq/aqutsisuusoq qanoq iliuuseqarnermoq, taamaatsumik sulisugut eqqarsaatigalugit qulaani allaaserisara tunngavigalugu aamma assingimmik ikiorserneqartarnissaat pisariaqarluinnarpoq taamaatsumik suleriesissamik sanasoqassasoq siunnersuutigaara aamma.
Ingerlaqqinnissaq: Suliasaq Ilaqutareeqarnermut Ataatsimiititaliamut suliakkiunneqassooq.
Naammassereersimanissaa: Kingusinnerpaamik Ilaqutareeqarnerup Ataatsimiititaliap februarimi ataatsimiinnissaanut qaqinneqassooq.

#Ilaasortat sinneri

Ilaasortat siunnersuutingisimasai imaluunniit apeqqutingisimasai suliarineqartutik naammassineqarsimapput imaluunniit suliarineqarput.

Ingerlariaqqinnissaa

Qulaani siunnersuut taakkartorneqartoq allattoqarfimmi suliakkiissutaavoq naammassereernissaanullu ullut killiliunneqartut naapertorlungit ataatsimiititaliani susassaartumi saqqummiunneqassalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisaq, toqqammavissiisutullu allagaatit:

Soqanngilaq.

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermi Ataatsimiititaliami aaliangerneq:

*Aningaasaqarnermi Ataatsimiititaliamut allattoqarfiup inassutigaa
Ataatsimiititaliap ilisimatitsissutit qulaani saqumminneqartoq tusaatissatut tingussangaa*

Aaliangerneq

Inassuteqaat akuerineqarpoq.

Aningaasatingut ilaqutariinnut attuumassuteqartunut qanoq kinguneqarsinnaaneri tamarmik ilanngunneqassapput soorlu ilisinernut attuumasut.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Soqanngilaq

Aalajangiineq:

Inassuteqaat akuerineqarpoq.

Perululluni nappaatit allat aamma uani pineqarput.

Inuussutissarsiornermi Ataatsimiititaliamit qulequtaq siusinaartumik soraarnerussutissiat pillungit sammineqassooq.

Sulisut pillungit økonomiudvalg qulequtaq pillungu suliaqassooq.

Najungaqarfitsik qimallungu ilaqutaasut toqusoorsimallutik ikiorneqarnissaat misissuiffingineqassooq.

Ataatsimianneq naavoq nal.: 10:04

Atsiorfissaq:

Palle Jerimiassen, (S)

Ane Lone Bagger, (S)

Sakio Fleischer, (S)

Jørgen Kristensen, (S)

Jakob Petersen, (S)

Susanne K. Eliassen, (S)

Ane Marie M. Andersen, (S)

Jens Kristian Therkelsen, (S)

Jens Danielsen, (S)

Karl Markussen, (A)

Aqqaluk Heilmann, (PN)

Aqqalu Jerimiassen, (A)

Anthon Frederiksen, (PN)

Ole Danielsen, (PN)

Bendt B. Kristiansen, (IA)

Regine N. Bidstrup, (IA)

Lena Ravn Davidsen, (D)
